

CUSSEGL GROND

Sessiun da favrer 2023

Dumonda Perl concernent la cuvrida dals custs per colliar implants fotovoltaics relevants per il sistem cun la rait

Per cuntanscher las finamiras dal clima e per garantir la segirezza dal provediment ha la Confederaziun en mira in grond augment dal dumber d'implants fotovoltaics. L'augment duai en spezial vegnir fatg là, nua ch'ils stabiliments èn relevants per il sistem, pia nua ch'els contribueschan considerablamain a la produenziun d'electricitad durant l'enviern. Per il Grischun èn questas stentas ina gronda schanza per sviluppar ultra da la forza idraulica ina segunda pitga en la produenziun d'electricitad. Il zercladur 2022 ha il Cussegl grond surdà correspundentamain ina incumbensa concernent in'offensiva solara per il Grischun.

Ils gronds custs per colliar implants fotovoltaics ordaifer la zona da construcziun cun la rait s'opponan a las stentas da la Confederaziun e dals chantun. Quai pertutga en emprima lingia stabiliments pli gronds sin edificis agriculs, che furneschan ina quantidad d'electricitad che surpasa la capacita da l'infrastructura da la rait existenta. En tals cas desistan las puras ed ils purs pertutgads per regla da realisar in stabiliment pli grond, schebain che gist ils edificis agriculs fissan savens situads optimalmain per promover la produenziun d'electricitad decentrala durant l'enviern.

Sche la Societad naziunala da raits d'electricitad cuvriss ils custs per colliar stabiliments correspundents cun la rait, fiss quai ina schanza economica e da la politica d'energia per ils territoris alpins tut en tut e per l'agricultura da muntogna en spezial.

Las sutsegnadras ed ils sutsegnaders fan perquai las suandantas dumondas:

1. Co stima la Regenza las schanzas respectivas per il Grischun ed en spezial per la l'agricultura da muntogna?
2. Tge pussaivladads d'agir areguard la cuvrida dals custs da colliaziun a la rait existan sin plaun chantunal?
3. È la Regenza pronta da s'engaschar sin plaun naziunal, per exempel en la CDEn, per ch'ils custs da colliaziun a la rait vegnian cuvrids per implants fotovoltaics relevants per il sistem concernent la produenziun d'electricitad durant l'enviern?

Cuira, ils 15 da favrer 2023

Perl, Kappeler, Gredig, Atanes, Bachmann, Bardill, Baselgia, Bavier, Biert, Bischof, Bisculm Jörg, Bleuler-Jenny, Cahenzli-Philipp (Vaz Sut), Censi, Danuser (Cuira), Degiacomi, Della Cà, Dietrich, Gansner, Gartmann-Albin, Hoch, Hofmann, Lamprecht, Loi, Mazzetta, Messmer-Blumer, Müller, Nicolay, Oesch, Pajic, Preisig, Rageth, Rettich, Roffler, Rusch Nigg, Rutishauser, Saratz Cazin, Tanner, von Ballmoos, Walser, Zaugg-Ettlin